

بِسْمِ اللَّهِ الرَّحْمَنِ الرَّحِيمِ

الْحَاقَّةُ ۝ مَا الْحَاقَّةُ ۝ وَمَا أَدْرَاكَ مَا الْحَاقَّةُ ۝ كَذَّبَتْ ثَمُودُ
 وَعَادُ بِالنَّارِ عَةِ ۝ فَأَمَّا ثَمُودُ فَأَهْلِكُوا بِالنَّارِ ۝ وَأَمَّا عَادُ
 فَأَهْلِكُوا بِرِيحٍ صَرْصَرٍ عَاتِيَةٍ ۝ سَخَّرَهَا عَلَيْهِمْ سَبْعَ لَيَالٍ وَثَنِيَةً
 أَيَّامٍ ۝ حُسُومًا فَتَرَى الْقَوْمَ فِيهَا صَرْعَى ۝ كَانَتْهُمْ أَعْجَازُ نَخْلٍ
 خَاوِيَةٍ ۝ فَهَلْ تَرَى لَهُمْ مِنْ بَاقِيَةٍ ۝ وَجَاءَ فِرْعَوْنُ وَمَنْ قَبْلَهُ
 وَالْمُتَفَكِّهُتُ ۝ بِالْخَاطِئَةِ ۝ فَعَصَوْا رَسُولَ رَبِّهِمْ فَأَخَذَهُمْ أَخَذَةً
 رَآيَةً ۝ إِنَّا نَبَأَ طُغْيَاءَ الْمَاءِ ۝ حَمَلْنَاهُمْ فِي الْجَارِيَةِ ۝ لِنَجْعَلَهَا لَكُمْ
 تَذَكُّرَةً ۝ وَتَعْيَهَا أَذُنٌ وَأَعْيَةٌ ۝ فَإِذَا نَفَخْنَا فِي الصُّورِ نَفْخَةً ۝ وَاحِدَةً ۝
 وَحُمِلَتِ الْأَرْضُ وَالْجِبَالُ فَدُكَّتَا دَكَّةً ۝ وَاحِدَةً ۝ فَيَوْمَئِذٍ
 وَقَعَتِ الْوَاقِعَةُ ۝ وَانْشَقَّتِ السَّمَاءُ فَهِيَ يَوْمَئِذٍ وَاهِيَةٌ ۝ وَالْمَلَكُ
 عَلَى أَرْجَائِهَا ۝ وَيَحْمِلُ عَرْشَ رَبِّكَ فَوْقَهُمْ يَوْمَئِذٍ ثَلَاثَةٌ ۝
 يَوْمَئِذٍ تُعْرَضُونَ لَا تَخْفَى مِنْكُمْ خَافِيَةٌ ۝ فَأَمَّا مَنْ أُوتِيَ كِتَابَهُ
 بِيَمِينِهِ ۝ فَيَقُولُ هَآؤُمُ اقْرَءُوا كِتَابِيهِ ۝ إِنِّي ظَنَنْتُ أَنِّي مُلْكٌ
 حَسْبِيهِ ۝ فَهُوَ فِي عِيشَةٍ رَاضِيَةٍ ۝ فِي جَنَّةٍ عَالِيَةٍ ۝ قُطُوفُهَا

دَانِيَةً ۝ كُلُوا وَشَرِبُوا هَنِيئًا بِمَا آسَلَفْتُمْ فِي الْأَيَّامِ الْخَالِيَةِ ۝
 وَأَمَّا مَنْ أُوْتِيَ كِتَابَهُ بِشَآلِهِ ۖ فَيَقُولُ يَلَيْتَنِي لَمْ أُوتَ
 كِتَابِيهِ ۝ وَلَمْ أَذِرْ مَا حَسَابِيهِ ۝ يَلَيْتَهَا كَانَتِ الْقَاضِيَةَ ۝
 مَا أَغْنَىٰ عَنِّي مَالِيهِ ۖ هَلَكَ عَنِّي سُلْطَانِيهِ ۖ خُدُوهُ فَغُلُّوهُ ۝
 ثُمَّ الْجَحِيمَ صَلُّوهُ ۖ ثُمَّ فِي سِلْسِلَةٍ ذَرْعُهَا سَبْعُونَ ذِرَاعًا
 فَاسْلُكُوهُ ۖ إِنَّهُ كَانَ لَا يُؤْمِنُ بِآلِهِ الْعَظِيمِ ۖ وَلَا يَحِضُّ
 عَلَىٰ طَعَامِ الْمُسْكِينِ ۖ فَلَئِمَّ لَهُ الْيَوْمَ هُتَاتُ جَحِيمٍ ۖ وَلَا طَعَامَ
 إِلَّا مِنْ غَسِيلَيْنِ ۖ لَا يَأْكُلُهُ إِلَّا الْخَاطِئُونَ ۖ فَلَا أُقْسِمُ بِمَا تُبْصَرُونَ ۖ
 وَمَا لَا تُبْصَرُونَ ۖ إِنَّهُ لَقَوْلُ رَسُولٍ كَرِيمٍ ۖ وَمَا هُوَ بِقَوْلِ
 شَاعِرٍ ۖ قَلِيلًا مَّا تُوْمَنُونَ ۖ وَلَا يَقُولُ كَآهِنٍ ۖ قَلِيلًا مَّا
 تَذَكَّرُونَ ۖ تَنْزِيلٌ مِّن رَّبِّ الْعَالَمِينَ ۖ وَلَوْ تَقَوَّلَ عَلَيْنَا
 بَعْضُ الْأَقَاوِيلِ ۖ لَا خُذْنَا مِنْهُ بِالْيَمِينِ ۖ ثُمَّ لَقَطَعْنَا
 مِنْهُ الْوَتِينَ ۖ فَمَا مِنْكُمْ مِنْ أَحَدٍ عَنْهُ حَاجِزِينَ ۖ وَإِنَّهُ
 لَتَذَكَّرَةٌ لِّلْمُتَّقِينَ ۖ وَإِنَّا لَنَعْلَمُ أَنَّ مِنْكُمْ مُّكَذِّبِينَ ۖ
 وَإِنَّهُ لَحَسْرَةٌ عَلَى الْكَافِرِينَ ۖ وَإِنَّهُ لَحَقُّ الْيَقِينِ ۖ فَسَبِّحْ
 بِأَسْمِ رَبِّكَ الْعَظِيمِ ۖ

পরম করুণাময় ও অসীম দয়াবান আল্লাহর নামে শুরু

- (১) সুনিশ্চিত বিষয়। (২) সুনিশ্চিত বিষয় কি? (৩) আপনি কি কিছু জানেন, সেই সুনিশ্চিত বিষয় কি? (৪) 'আদ ও সামূদ গোত্র মহাপ্রলয়কে মিথ্যা বলেছিল। (৫) অতঃপর সামূদ গোত্রকে ধ্বংস করা হয়েছিল এক প্রলয়ংকর বিপর্যয় দ্বারা

(৬) এবং আদ গোত্রকে ধ্বংস করা হয়েছিল এক প্রচণ্ড ঝঞ্ঝাবায়ু দ্বারা, (৭) যা তিনি প্রবাহিত করেছিলেন তাদের উপর সাত রাত্রি ও আট দিবস পর্যন্ত অবিরাম। আপনি তাদেরকে দেখতেন যে, তারা অসার খজুর কাণ্ডের ন্যায় ভূপাতিত হয়ে রয়েছে। (৮) আপনি তাদের কোন অস্তিত্ব দেখতে পান কি? (৯) ফিরাউন, তার পূর্ববর্তীরা এবং উম্মেট যাওয়া বস্তিবাসীরা গুরুতর পাপ করেছিল। (১০) তারা তাদের পালনকর্তার রসুলকে অমান্য করেছিল। ফলে তিনি তাদেরকে কঠোর হস্তে পাকড়াও করলেন। (১১) যখন জলোচ্ছাস হয়েছিল, তখন আমি তোমাদেরকে চলন্ত নৌযানে আরোহণ করিয়েছিলাম, (১২) যাতে এ ঘটনা তোমাদের জন্য স্মৃতির বিষয় এবং কান এটাকে উপদেশ গ্রহণের উপযোগী রূপে গ্রহণ করে। (১৩) যখন শিংগায় ফুৎকার দেওয়া হবে—একটি মাত্র ফুৎকার (১৪) এবং পৃথিবী ও পর্বতমালা উত্তোলিত হবে ও চূর্ণ-বিচূর্ণ করে দেওয়া হবে, (১৫) সেই দিন কিয়ামত সংঘটিত হবে। (১৬) সে দিন আকাশ বিদীর্ণ হবে ও বিক্ষিপ্ত হবে (১৭) এবং ফেরেশতাগণ আকাশের প্রান্তদেশে থাকবে ও আট জন ফেরেশতা আপনার পালনকর্তার আরাধকে তাদের উর্ধ্ব বহন করবে। (১৮) সেই দিন তোমাদেরকে উপস্থিত করা হবে। তোমাদের কোন কিছু গোপন থাকবে না। (১৯) অতঃপর যার আমলনামা ডান হাতে দেওয়া হবে, সে বলবে : নাও তোমরাও আমলনামা পড়ে দেখ। (২০) আমি জানতাম যে, আমাকে হিসাবের সম্মুখীন হতে হবে। (২১) অতঃপর সে সুখী জীবন স্বাপন করবে, (২২) সুউচ্চ জান্নাতে। (২৩) তার ফলসমূহ অবনমিত থাকবে। (২৪) বিগত দিনে তোমরা যা প্রেরণ করেছিলে, তার প্রতিদানে তোমরা খাও এবং পান কর তৃপ্তি সহকারে। (২৫) যার আমলনামা তার বাম হাতে দেওয়া হবে, সে বলবে : হায় ! আমায় যদি আমার আমলনামা দেওয়া না হতো ! (২৬) আমি যদি না জানতাম আমার হিসাব ! (২৭) হায়, আমার মৃত্যুই যদি শেষ হত। (২৮) আমার ধনসম্পদ আমার কোন উপকারে আসল না। (২৯) আমার ক্ষমতাও বরবাদ হয়ে গেল। (৩০) ফেরেশতাদেরকে বলা হবে : ধর একে, গলায় বেড়ী পরিয়ে দাও, (৩১) অতঃপর নিষ্ক্ষেপ কর জাহান্নামে। (৩২) অতঃপর তাকে শৃঙ্খলিত কর সত্তর গজ দীর্ঘ এক শিকলে। (৩৩) নিশ্চয় সে মহান আল্লাহ্‌তে বিশ্বাসী ছিল না। (৩৪) এবং মিসকীনকে আহ্বার্য দিতে উৎসাহিত করত না। (৩৫) অতএব আজকের দিন এখানে তার কোন সুহৃদ নেই। (৩৬) এবং কোন খাদ্য নেই ক্ষত-নিঃসৃত পূজ ব্যতীত। (৩৭) গোনাহ্‌গার ব্যতীত কেউ এটা খাবে না। (৩৮) তোমরা যা দেখ, আমি তার শপথ করছি (৩৯) এবং যা তোমরা দেখ না, তার—(৪০) নিশ্চয়ই এই কোরআন একজন সম্মানিত রসুলের আনীত (৪১) এবং এটা কোন কবির কালাম নয়; তোমরা কমই বিশ্বাস কর। (৪২) এবং এটা কোন অতীন্দ্রিয়বাদীর কথা নয়; তোমরা কমই অনুধাবন কর। (৪৩) এটা বিশ্বপালনকর্তার কাছ থেকে অবতীর্ণ। (৪৪) সে যদি আমার নামে কোন কথা রচনা করত, (৪৫) তবে আমি তার দক্ষিণ হস্ত ধরে ফেলতাম, (৪৬) অতঃপর কেটে দিতাম তার গ্রীবা। (৪৭) তোমাদের কেউ তাকে রক্ষা করতে পারত না। (৪৮) এটা আল্লাহ্‌জীবীদের জন্য অবশ্যই একটি উপদেশ। (৪৯) আমি জানি যে, তোমাদের মধ্যে কেউ কেউ মিথ্যারোপ

করবে। (৫০) নিশ্চয় এটা কাফিরদের জন্য অনুতাপের কারণ। (৫১) নিশ্চয় এটা নিশ্চিত সত্য। (৫২) অতএব আপনি আপনার মহান পালনকর্তার নামের পবিত্রতা বর্ণনা করুন।

তফসীরের সার-সংক্ষেপ

সুনিশ্চিত বিষয়। সুনিশ্চিত বিষয় কি? আপনি কি কিছু জানেন, সেই সুনিশ্চিত বিষয় কি? (এই বাক্যের উদ্দেশ্য কিয়ামতের গুরুত্ব ও ভয়াবহতা বর্ণনা করা) সামুদ ও 'আদ সম্প্রদায় এই খটখট শব্দকারী (মহাপ্রলয়)-কে মিথ্যা বলেছে। অতঃপর সামুদকে তো প্রচণ্ড শব্দে ধ্বংস করা হয়েছে এবং আদকে এক বাঞ্ছাবায়ু দ্বারা নির্মূল করা হয়েছে, যাকে আল্লাহ তা'আলা তাদের উপর সপ্ত রাত্রি ও অষ্ট দিবস অবিরাম চড়াও করে রাখেন। অতএব (হে সম্বোধিত ব্যক্তি) তুমি (তখন সেখানে উপস্থিত থাকলে) তাদেরকে দেখতে যে, তারা অন্তঃসারশূন্য খজুর কাণ্ডের ন্যায় ভূপাতিত হয়ে রয়েছে (কারণ, তারা অত্যন্ত দীর্ঘদেহী ছিল)। তুমি তাদের কোন অস্তিত্ব দেখতে পাও কি? (অর্থাৎ তাদের কেউ বেঁচে নেই। অন্য আয়াতে আছে :

قُلْ نَحْسِبُ مِنْهُمْ مَنْ أَحَدٍ أَوْ تَسْمَعُ لَهُمْ رِكْرًا

এমনিভাবে) ফিরাউন, তার পূর্ববর্তীরা (কওমে নূহ, 'আদ ও সামুদ সবাই এতে দাখিল আছে)। এবং (লুত সম্প্রদায়ের) সংলগ্ন বস্তিবাসীরা গুরুতর পাপ করেছিল (অর্থাৎ কুফর ও শিরক করেছিল। তাদের কাছে রসূল প্রেরণ করা হয়েছিল) তারা তাদের পালনকর্তার রসূলকে অমান্য করেছিল (কুফর ও শিরক থেকে বিরত না হয়ে কিয়ামতকে মিথ্যা বলেছিল)। ফলে আল্লাহ তা'আলা তাদেরকে কঠোর হস্তে পাকড়াও করেছিলেন। (তন্মধ্যে 'আদ ও সামুদের কাহিনী তো এইমাত্র বিবৃত হল। কওমে লুত ও ফিরাউনের পরিণতি অনেক আয়াতে পূর্বে বর্ণিত হয়েছে এবং কওমে নূহের শাস্তি পরে বর্ণিত হচ্ছে)। যখন (নূহের আমলে)। জলোচ্ছ্বাস হয়েছিল, তখন আমি তোমাদেরকে (অর্থাৎ তোমাদের পূর্বপুরুষ মু'মিনদেরকে, কারণ তাদের মুক্তি তোমাদের অস্তিত্বের কারণ হয়েছে) নৌযানে আরোহণ করিয়েছিলাম এবং অবশিষ্টদেরকে নিমজ্জিত করেছিলাম। যাতে এই ব্যাপারকে আমি তোমাদের জন্য স্মৃতি করে দিই এবং কান একে স্মরণ রাখে। (কান স্মরণ রাখে—কথাটি রূপকভাবে বলা হয়েছে। সারকথা, এই ঘটনা স্মরণ রেখে যেন শাস্তির কারণ থেকে বেঁচে থাকে। অতঃপর কিয়ামতের ভয়াবহতা বর্ণিত হচ্ছে:) তখন সিংগায় একমাত্র ফুৎকার দেওয়া হবে, (অর্থাৎ প্রথম ফুৎক) এবং পৃথিবী ও পর্বতমালা (স্বস্থান থেকে) উত্তোলিত হবে এবং একেবারে চূর্ণ-বিচূর্ণ করে দেওয়া হবে, সেইদিন কিয়ামত সংঘটিত হয়ে যাবে। আকাশ বিদীর্ণ হবে ও বিক্ষিপ্ত হবে (অর্থাৎ এখন আকাশ মজবুত ও ফাটল-বিহীন হলেও সেদিন এরূপ থাকবে না; বরং তা দুর্বল ও বিদীর্ণ হয়ে যাবে)। এবং ফেরেশতাগণ (যারা আকাশে ছড়িয়ে আছে, যখন আকাশ ফাটিতে থাকবে, তখন তারা) আকাশের প্রান্তদেশে থাকবে। (এ থেকে জানা যায় যে, আকাশ মধ্যস্থল থেকে বিদীর্ণ হয়ে চতুর্দিকে সংকুচিত হবে। তাই ফেরেশতাগণও মধ্যস্থল থেকে প্রান্তদেশে চলে যাবে।

এসব ঘটনা প্রথম ফুৎকারের সময়কার। দ্বিতীয় ফুৎকারের সময়কার ঘটনা এই যে) সেদিন আটজন ফেরেশতা আপনার পালনকর্তার আরাশকে তাদের উপরে বহন করবে। (হাদীসে আছে, বর্তমানে চারজন ফেরেশতা আরাশকে বহন করছে। কিয়ামতের দিন আটজনে বহন করবে। সারকথা, আটজন ফেরেশতা আরাশকে বহন করে কিয়ামতের ময়দানে আনবে এবং হিসাব-নিকাশ শুরু হবে। অতঃপর তাই বর্ণিত হচ্ছে :) সেইদিন তোমাদেরকে (হিসাব-নিকাশের জন্য আল্লাহ্র সামনে) উপস্থিত করা হবে। তোমাদের কোন কিছু (আল্লাহ্র সামনে) গোপন থাকবে না। অতঃপর (আমলনামা উঠিয়ে হাতে দেওয়া হবে, তখন) যার আমলনামা ডান হাতে দেওয়া হবে, সে (আনন্দের আতিশয্যে আশেপাশের লোকদেরকে) বলবে : নাও, আমার আমলনামা পড়ে দেখ। আমি (পূর্ব থেকেই) জানতাম যে, আমাকে আমার হিসাবের সম্মুখীন হতে হবে। (অর্থাৎ আমি কিয়ামত ও হিসাব-নিকাশে বিশ্বাসী ছিলাম। আমি ঈমানদার ছিলাম। এর বরকতে আল্লাহ আমাকে পুরস্কৃত করেছেন)। সে সুখী জীবনযাপন করবে অর্থাৎ সুউচ্চ বেহেশতে থাকবে, যার ফলসমূহ (এতটুকু) অবনমিত থাকবে (যে, যেভাবে ইচ্ছা আহরণ করতে পারবে। আদেশ হবে :) বিগত দিনে (অর্থাৎ দুনিয়ায় থাকাকালে) তোমরা যেসব কাজ-কর্ম করেছিলে, তার প্রতিদানে তোমরা খাও এবং পান কর তৃপ্তি সহকারে। যার আমলনামা বাম হাতে দেওয়া হবে, সে (নিদারুণ অনুতাপ সহকারে) বলবে : হায়, আমাকে যদি আমার আমলনামা দেওয়া না হত, আমি যদি আমার হিসাব না জানতাম! হায়, আমার মৃত্যুই যদি শেষ হত (এবং পুনরুজ্জীবিত না হতাম) আমার ধনসম্পদ আমার কোন উপকারে আসল না। আমার ক্ষমতাও বরবাদ হয়ে গেল। (অর্থাৎ ধনসম্পদ ও প্রভাব-প্রতিপত্তি সব নিষ্ফল হল। এরূপ ব্যক্তির জন্য ফেরেশতাদেরকে আদেশ করা হবে :) ধর একে এবং গলায় বেড়ী পরিয়ে দাও। অতঃপর নিষ্ক্ষেপ কর জাহান্নামে এবং শৃঙ্খলিত কর সত্তর গজ দীর্ঘ এক শিকলে। (এই গজ কতটুকু, তা আল্লাহ তা'আলাই জানেন। কেননা, এটা পরজগতের গজ। অতঃপর এই আযাবের কারণ বলা হচ্ছে :) সে মহান আল্লাহতে বিশ্বাসী ছিল না (অর্থাৎ পয়গম্বরদের শিক্ষানুযায়ী জরুরী ঈমান অবলম্বন করেনি) এবং (নিজে দেওয়া তো দুব্বের কথা,) মিসকীনকে আহাৰ্য দিতে (অপরকে) উৎসাহিত করত না। (সারকথা এই যে, আল্লাহ্র হুক ও বান্দার হুক সম্পর্কিত ইবাদতের মূল কথা হচ্ছে আল্লাহ্র মাহাদ্ব্য ও সৃষ্টির প্রতি দয়া। এই ব্যক্তি উভয়টি বর্জন ও অস্বীকার করেছিল বিধায় তার এই আযাব হয়েছে)। অতএব আজ এখানে তার কোন সুহাদ নেই এবং কোন খাদ্য নেই ক্ষতধৌত পানি ব্যতীত, (উদ্দেশ্য, সুখাদ্য পাবে না)। যা গোনাহ্গার ব্যতীত কেউ খাবে না। (অতঃপর কোরআনের সত্যতা বর্ণনা করা হচ্ছে, যার মধ্যে কিয়ামতের প্রতিদান ও শাস্তি বর্ণিত হয়েছে। কোরআনকে মিথ্যা বলাই উল্লিখিত আযাবের কারণ)। অতঃপর তোমরা যা দেখ এবং যা দেখ না, আমি তার শপথ করছি, (কেননা কোন কোন সৃষ্টি কার্যত অথবা ক্ষমতাগতভাবে দেখার শক্তি রাখে এবং কোন কোন সৃষ্টি এই শক্তি রাখে না। উদ্দেশ্যের সাথে এই শপথের বিশেষ সম্পর্ক এই যে, কোরআন পাক নিয়ে আগমনকারী ফেরেশতা তাদের দৃষ্টিগোচর হত না এবং যার কাছে কোরআন অবতীর্ণ হত, তিনি দৃষ্টিগোচর হতেন। অতএব এখানে সমগ্র 'সৃষ্টির

শপথ বোঝানো হয়েছে)। নিশ্চয় এই কোরআন একজন সম্মানিত ফেরেশতার আনীত (আল্লাহর) কালাম (অতএব যার প্রতি এই কালাম অবতীর্ণ হয়েছে, তিনি অবশ্যই রসূল) এটা কোন কবির রচনা নয় [কাফিররা রসূলুল্লাহ্ (সা)-কে কবি বলত; কিন্তু] তোমরা কমই বিশ্বাস কর। (এখানে 'কম' বলে নাস্তি বোঝানো হয়েছে) এবং এটা কোন অতীন্দ্রিয়-বাদীর কথা নয় (কোন কোন কাফির এরূপ বলত; কিন্তু) তোমরা কমই অনুধাবন কর (এখানেও 'কম' বলে নাস্তি বোঝানো হয়েছে)। সারকথা, কোরআন কবিতাও নয়--- অতীন্দ্রিয়বাদও নয়; বরং) এটা বিশ্বপালনকর্তার পক্ষ থেকে অবতীর্ণ। (অতঃপর এর সত্যতার একটি যুক্তি প্রদর্শন করা হয়েছে:) যদি সে (অর্থাৎ পয়গম্বর) আমার নামে কোন (মিথ্যা) কথা রচনা করত (অর্থাৎ যা আমার কালাম নয়, তাকে আমার কালাম বলত এবং মিথ্যা নবুয়ত দাবী করত) তবে আমি তার দক্ষিণ হস্ত ধরে ফেলতাম, অতঃপর তার কষ্ঠশিরা কেটে দিতাম এবং তোমাদের কেউ তাকে রক্ষা করতে পারত না। (কষ্ঠশিরা কেটে দিলে মানুষ মারা যায়। তাই অর্থ হত্যা করা)। এই কোরআন আল্লাহ-ভীরুদের জন্য উপদেশ। (অতঃপর মিথ্যারোপকারীদের প্রতি শাস্তির বাণী উচ্চারিত হয়েছে যে) আমি জানি যে, তোমাদের মধ্যে মিথ্যারোপকারীও রয়েছে। (আমি তাদেরকে শাস্তি দেব। এ দিক দিয়ে) এই কোরআন কাফিরদের জন্য অনুশোচনার কারণ। (কেননা, মিথ্যারোপের কারণে এটা তাদের আয়বের কারণ)। এই কোরআন নিশ্চিত সত্য। অতএব (এই কোরআন যার কালাম) আপনি আপনার (সেই) মহান পালনকর্তার পবিত্রতা (ও প্রশংসা) বর্ণনা করুন।

আনুষঙ্গিক জাতব্য বিষয়

এই সূরায় কিয়ামতের ভয়াবহ ঘটনাবলী, কাফির ও পাপাচারীদের শাস্তি এবং মু'মিন আল্লাহ্ভীরুদের প্রতিদান বর্ণিত হয়েছে। কোরআন পাকে কিয়ামতকে হাক্কা, কারিয়া, ওয়াকিয়া ইত্যাদি নামে অভিহিত করা হয়েছে।

حَاة শব্দের এক অর্থ সত্য এবং দ্বিতীয় অর্থ অপরাপর বিষয়কে সত্য প্রতিপন্নকারী। কিয়ামতের জন্য এই শব্দটি উভয় অর্থে খাটে। কেননা, কিয়ামত নিজেও সত্য, এর বাস্তবতা প্রমাণিত ও নিশ্চিত এবং কিয়ামত মু'মিনদের জন্য জামাত এবং কাফিরদের জন্য জাহান্নাম প্রতিপন্ন করে। এখানে কিয়ামতের এই নাম উল্লেখ করে বারবার প্রমাণ করে ইঙ্গিত করা হয়েছে যে, কিয়ামত সকল প্রকার অনুমানের উপরে এবং বিস্ময়কররূপে ভয়াবহ।

قَارعة শব্দের অর্থ খটখট শব্দকারী। কিয়ামত যেহেতু সব মানুষকে অস্থির ও ব্যাকুল করে দেবে এবং সমগ্র আকাশ ও পৃথিবীকে ছিন্নবিচ্ছিন্ন করে দেবে, তাই একে

قَارعة বলা হয়েছে।

طغیان শব্দটি طغیان থেকে উদ্ভূত। এর অর্থ সীমালংঘন করা। উদ্দেশ্য এমন কঠোর শব্দ, যা সারা দুনিয়ার শব্দসমূহের সীমার বাইরে ও বেশী। মানুষের মন

ও মস্তিষ্ক এই শব্দ বরদাশত করতে পারে না। সামুদ গোত্রের অবাধ্যতা সীমা ছাড়িয়ে গেলে তাদের উপর এই শব্দের আকারেই আযাব এসেছিল। এতে সারা বিশ্বের বজ্রনিবাদ ও সারা বিশ্বের শব্দসমূহের সমষ্টি সম্মিলিত ছিল। ফলে তাদের হাদপিণ্ড ফেটে গিয়েছিল।

رِيمٍ صَرَصَر—এর অর্থ অত্যধিক শৈত্যসম্পন্ন প্রচণ্ড বাতাস।

سَبْعَ لَيَالٍ وَثَمَانِيَةَ أَيَّامٍ—এক রেওয়াজেতে বর্ণিত আছে, বুধবারের সকাল

থেকে এই বাঞ্ঝাবায়ুর আযাব শুরু হয়ে পরবর্তী বুধবার সন্ধ্যা পর্যন্ত অব্যাহত ছিল। এভাবে দিন আটটি ও রাত্রি সাতটি হয়েছিল।

حَاسِمٍ—শব্দটি حَاسِمٍ এর বহুবচন। এর অর্থ মূলোৎপাটন করে দেওয়া।

مُؤْتَفِكَاتٍ এর অর্থ পরস্পরে মিশ্রিত ও মিলিত। হযরত নূত (আ)-এর সম্প্রদায়ের বস্তিসমূহকে مُؤْتَفِكَاتٍ বলা হয়েছে। এর এক কারণ এই যে, তাদের বস্তিগুলো পরস্পরে মিলিত ছিল। দ্বিতীয় কারণ এই যে, আযাব আসার পর তাদের বস্তিগুলো তখনই হয়ে মিশ্রিত হয়ে গিয়েছিল।

فَإِذَا نَفَخَ فِي الصُّورِ نَفْخَةٌ وَاحِدَةٌ—তিরমিযীতে হযরত আবদুল্লাহ্

ইবনে ওমরের রেওয়াজেতে আছে صُور শিং-এর আকারের কোন বস্তুকে বলা হয়।

কিয়ামতের দিন এতে ফুৎকার দেওয়া হবে। نَفْخَةٌ وَاحِدَةٌ এর অর্থ হঠাৎ একযোগে

এই শিংগার আওয়াজ শুরু হবে এবং সবার মৃত্যু পর্যন্ত একটানা আওয়াজ অব্যাহত থাকবে।

কোরআন ও হাদীস দ্বারা কিয়ামতে শিংগার দুইটি ফুৎকার প্রমাণিত আছে। প্রথম ফুৎ-

কারকে صَعَقَ نَفْخَةٌ বলা হয়। এ সম্পর্কে কোরআনে আছে : فَمَعِقَ مَنْ فِي

السَّمَاءِ وَاتَّ مِنَ فِي الْأَرْضِ—অর্থাৎ এই ফুৎকারের ফলে আকাশের অধিবাসী

ফেরেশতা এবং পৃথিবীতে বসবাসকারী মানব, জিন ও সমস্ত জীব-জন্তু অজ্ঞান হয়ে যাবে।

(অতঃপর এই অজ্ঞান অবস্থায় সবার মৃত্যু ঘটবে)। দ্বিতীয় ফুৎকারকে نَفْخَةٌ بَعْثٌ

বলা হয়। بَعْثٌ শব্দের অর্থ উঠা। এই ফুৎকারের মাধ্যমে সকল মৃত জীবিত হয়ে দাঁড়িয়ে

যাবে। এ সম্পর্কে কোরআনে আছে : ثُمَّ نَفْخُ فِيهِ أُخْرَى فَإِذَا هُمْ قِيَامٌ

يَنْظُرُونَ—অর্থাৎ পুনরায় শিংগায় ফুৎকার দেওয়া হবে। ফলে অকস্মাৎ সব মৃত জীবিত হয়ে দাঁড়িয়ে যাবে এবং দেখতে থাকবে।

কোন কোন রেওয়াজেতে এই দুই ফুৎকারের পূর্বে তৃতীয় একটি ফুৎকারের উল্লেখ আছে। এর নাম نَفْخَةُ فُزَعٍ কিন্তু রেওয়াজেতের সমষ্টিতে চিন্তা করলে জানা যায় যে, এটা প্রথম ফুৎকারই। শুরুতে একে نَفْخَةُ فُزَعٍ বলা হয়েছে এবং পরিণামে এটাই نَفْخَةُ مَعْقٍ হয়ে যাবে।—(মায়হারী)

وَيَحْمِلُ عَرْشَ رَبِّكَ فَوْقَهُمْ يَوْمَئِذٍ لِّمَآ نِهٍ—অর্থাৎ কিয়ামতের দিন

আটজন ফেরেশতা আল্লাহ্ তা'আলার আরশকে বহন করবে। কোন কোন রেওয়াজেতে আছে যে, কিয়ামতের পূর্বে চারজন ফেরেশতা এই দায়িত্বে নিয়োজিত রয়েছে। কিয়ামতের দিন তাদের সাথে আরও চারজন মিলিত হবে।

আল্লাহর আরশ কি? এর স্বরূপ ও প্রকৃত আকার-আকৃতি কি? ফেরেশতারা কিভাবে একে বহন করছে? এসব প্রশ্নের সমাধান মানুষের জ্ঞানবুদ্ধি দিতে পারে না এবং এসব বিষয়ে চিন্তা ভাবনা করা কিংবা প্রশ্ন উত্থাপন করার অনুমতি নেই। এ ধরনের যাবতীয় বিষয়বস্তু সম্পর্কে সাহাবী ও তাবয়ীদের সর্বসম্মত সিদ্ধান্ত এই যে, এসব বিষয়ে আল্লাহর উদ্দেশ্য সত্য এবং স্বরূপ অজ্ঞাত বলে বিশ্বাস করতে হবে।

يَوْمَئِذٍ تَعْرَضُونَ لَا تَخْفَىٰ مِنْكُمْ خَافِيَةٌ—অর্থাৎ সে দিন সবাই পালন-

কর্তার সামনে উপস্থিত হবে। কোন আত্মগোপনকারী আত্মগোপন করতে পারবে না। আল্লাহ্ তা'আলার জ্ঞান ও দৃষ্টি থেকে আজ দুনিয়াতেও কেউ আত্মগোপন করতে পারে না। সেই দিনের বিশেষত্ব সম্ভবত এই যে, হাশরের ময়দানে সমস্ত ভূপৃষ্ঠ একটি সমতল ক্ষেত্রে পরিণত হবে। গর্ত, পাহাড়, ঘরবাড়ী, বৃক্ষ ইত্যাদি আড়াল বলতে কিছুই থাকবে না। দুনিয়াতে এসব বস্তুর পশ্চাতে আত্মগোপনকারীরা আত্মগোপন করে। কিন্তু সেখানে কিছুই থাকবে না। ফলে কেউ আত্মগোপন করার জায়গা পাবে না।

هَآؤُمُ اقْرَءُوا كِتَابِيَهٗ—হা'ওম শব্দের অর্থ না। উদ্দেশ্য এই যে, যার

আমলনামা ডান হাতে আসবে, সে আহ্লাদে আঁটখানা হয়ে আশেপাশের লোকজনকে বলবে : নাও, আমার আমলনামা পাঠ করে দেখ।

هَلَكَ عَنِ سُلْطَانِهٖ—হলক শব্দের অর্থ ক্ষমতা ও আধিপত্য। তাই রাষ্ট্রকে

সুলতানাত এবং রাষ্ট্রনায়ককে সুলতান বলা হয়। উদ্দেশ্য এই যে, দুনিয়াতে অন্যদের উপর

আমার ক্ষমতা ও আধিপত্য ছিল। আমি সবার বড় একজন। আজ সেই রাজত্ব ও প্রাধান্য কোন কাজে আসল না। **سلطان**—এর অপর অর্থ প্রমাণ, সনদও হতে পারে। তখন অর্থ হবে, হায়! আজ আশাব থেকে রক্ষা পাওয়ার জন্য আমার হাতে কোন সনদ নেই।

وَاذْكُرْ فِى الْاَوَّلٰى—অর্থাৎ ফেরেশতাদেরকে আদেশ করা হবে : এই অপ-

রাধীকে ধর এবং তার গলায় বেড়ী পরিয়ে দাও। কোন কোন রেওয়াজে আছে যে, এই আদেশ উচ্চারিত হলে সব প্রাচীর ইত্যাদি সব বস্তু তাকে ধরার জন্য দৌড় দেবে।

ثُمَّ فِى سُلٰسِلَةٍ ذٰرِعَهَا سَبْعُوْنَ ذِرَآءًا فَاسْكُرُوْا—অতঃপর তাকে সত্তর

গজ দীর্ঘ এক শিকলে প্রথিত করে দাও। শৃঙ্খলিত করার অর্থও রূপকভাবে নেওয়া যায়। কিন্তু এর আক্ষরিক অর্থ হচ্ছে মোতি অথবা তসবীহর দানা প্রথিত করার ন্যায় শিকল দেহে বিদ্ধ করে অপর দিক থেকে বের করে দেওয়া। কোন কোন হাদীসে এই আক্ষরিক অর্থেরও সমর্থন আছে।—(মামহারী)

حَمِيْمٌ فَلَيْسَ لَهٗ الْيَوْمَ هَهٰذَا حَمِيْمٌ وَلَا طَعَامٌ اِلَّا مِنْ غَسٰلِيْنٍ—এর অর্থ

সুহাদ। **غَسٰلِيْنٍ** সেই পানি, যন্ত্রাঙ্গা জাহান্নামীদের ক্ষতের পুঁজ ইত্যাদি ধৌত করা হবে। আয়াতের অর্থ এই যে, আজ তার কোন সুহাদ তাকে কোনরূপ সাহায্য করতে পারবে না এবং আশাব থেকে রক্ষা করতে পারবে না। তার খাদ্য জাহান্নামীদের ক্ষত ধৌত নোংরা পানি ব্যতীত কিছু হবে না। ‘কিছু হবে না’ এর অর্থ তফসীরের সার-সংক্ষেপে এই বলা হয়েছে যে, কোন সুখাদ্য হবে না। ক্ষত ধৌত পানির অনুরূপ অন্য কোন নোংরা খাদ্য হতে পারবে; যেমন অন্য আয়াতে জাহান্নামীদের খাদ্য স্বাক্কুম উল্লেখ করা হয়েছে। অতএব উভয় আয়াতে কোন বৈপরিত্য নাই।

فَلَا اُقْسِمُ بِمَا تُبٰرَكُوْنَ وَمَا لَا تُبٰرَكُوْنَ—অর্থাৎ সে সব বস্তুর শপথ যা

তোমরা দেখ অথবা দেখতে পার এবং যা তোমরা দেখ না ও দেখতে পার না। এতে সমগ্র সৃষ্টি এসে গেছে। কেউ কেউ বলেন : ‘যা দেখ না’ বলে আল্লাহর সত্তা ও গুণাবলী বোঝানো হয়েছে। কেউ কেউ বলেন : যা দেখ বলে দুনিয়ার বস্তুসমূহ এবং ‘যা দেখ না’ বলে পরকালের বিষয়সমূহ বোঝানো হয়েছে।—(মামহারী)

وَتَبٰىنَا—শব্দের অর্থ কথা রচনা করা। **وَلَوْ تَقَوَّلَ عَلٰیٰنَا**

থেকে নির্গত সেই শিরাকে বলা হয়, যার মাধ্যমে আত্মা মানবদেহে বিস্তার লাভ করে। এই শিরা কেটে দিলে তাৎক্ষণিক মৃত্যু হয়ে যায়।

কাফিরদের কেউ রসূলুল্লাহ্ (সা)-কে কবি এবং তাঁর কালামকে কবিতা, কেউ তাঁকে অতীন্দ্রিয়তাবাদী এবং তাঁর কালামকে অতীন্দ্রিয়বাদ বলত। পূর্ববর্তী আয়াতসমূহে তাদের এসব অনর্থক ধারণা খণ্ডন করা হয়েছিল। **وَالْحَقُّ** তথা অতীন্দ্রিয়বাদী এমন ব্যক্তিকে বলা হয়, যে শয়তানদের কাছ থেকে কিছু সংবাদ পেয়ে এবং কিছু নক্ষত্রবিদ্যার মাধ্যমে জেনে নিয়ে উবিষ্যৎ ঘটনাবলী সম্পর্কে আনুমানিক কথাবার্তা বলে। রসূলুল্লাহ্ (সা)-কে হারা কবি অথবা অতীন্দ্রিয়বাদী বলত, তাদের দোষারোপের সার্বমর্ম ছিল এই যে, তিনি যে কালাম শুনান, তা আল্লাহ্‌র কালাম নয়। তিনি নিজেই নিজের কল্পনা অথবা অতীন্দ্রিয়বাদীদের ন্যায় শয়তানদের কাছ থেকে কিছু কথাবার্তা সংগ্রহ করেছেন এবং সেগুলোকে আল্লাহ্‌র কালাম বলে প্রচার করেন। আলোচ্য আয়াতসমূহে আল্লাহ্ তা'আলা তাদের এই দ্রাষ্ট ধারণা অন্য এক পন্থায় অত্যন্ত জোরেরসারে খণ্ডন করেছেন যে, যদি রসূল আমার নামে মিথ্যা কথা রচনা করত, তবে আমি কি তাকে এমনিতেই ছেড়ে দিতাম এবং তাঁকে মানবজাতিকে পথভ্রষ্ট করার সুযোগ দিতাম? কোন বুদ্ধিমান ব্যক্তি এ কথা বিশ্বাস করতে পারে না। তাই আয়াতে অসম্ভবকে সম্ভব ধরে নেওয়ার পর্যায়ে বলা হয়েছে : যদি এই রসূল একটি কথাও আমার নামে মিথ্যা রচনা করত, তবে আমি তার ডান হাত ধরে তার প্রাণশিরা কেটে দিতাম। এরপর আমার শাস্তির কবল থেকে তাকে কেউ রক্ষা করতে পারত না। এখানে এই কঠোর ভাষা মুখ্ কাফিরদেরকে শুনানোর জন্য অসম্ভবকে সম্ভব ধরে নেওয়ার পর্যায়ে বলা হয়েছে। ডান হাত ধরার কথা বলার কারণ সম্ভবত এই যে, কোন অপরাধীকে হত্যা করার সময় হত্যাকারী তার বিপরীতে দণ্ডায়মান হয়। ফলে হত্যাকারীর বাম হাতের বিপরীতে থাকে অপরাধীর ডান হাত। হত্যাকারী নিজের বাম হাত দিয়ে অপরাধীর ডান হাত ধরে নিজের ডান হাত দ্বারা তাকে হামলা করে।

এ আয়াতে একটি বিশেষ ঘটনা সম্পর্কে বলা হয়েছে যে, আল্লাহ্ না করুন, রসূলুল্লাহ্ (সা) আল্লাহ্ তা'আলার নামে কোন মিথ্যা কথা প্রচার করলে তাঁর সাথে এরূপ ব্যবহার করা হত। এখানে কোন সাধারণ বিধি বর্ণনা করা হয়নি যে, যে ব্যক্তিই মিথ্যা নবুয়ত দাবী করবে, তাকে সর্বদা ধ্বংসই করা হবে। এ কারণেই দুনিয়াতে অনেকেই মিথ্যা নবুয়ত দাবী করেছে ; কিন্তু তাদের উপর এরূপ কোন আঘাত আসেনি।

فَسَبِّحْ بِحَمْدِ رَبِّكَ الْعَظِيمِ—এর আগের আয়াতসমূহে বলা হয়েছিল যে,

রসূলুল্লাহ্ (সা) নিজের পক্ষ থেকে কোন কিছু বলেন না। তিনি আল্লাহ্‌র কালামই বলেন। এই কালাম আল্লাহ্‌ভীরুদের জন্য উপদেশ। কিন্তু আমি এ কথাও জানি যে, এসব অকাটা ও নিশ্চিত বিষয়াদি জানা সত্ত্বেও অনেক লোক মিথ্যারোপ করতে থাকবে। এর পরিণাম হবে পরকালে তাদের অনুশোচনা ও সার্বক্ষণিক আযাব। অবশেষে বলা হয়েছে :

وَأَنَّكَ لَكَلْحَقٍّ الْيَقِينِ—অর্থাৎ এটা পুরোপুরি সত্য ও নিশ্চিত। এতে সন্দেহ ও

সংশয়ের অবকাশ নেই। সবশেষে রসূলুল্লাহ্ (সা)-কে সম্বোধন করে বলা হয়েছে :

فَسَبِّحْ بِاسْمِ رَبِّكَ الْعَظِيمِ—এতে ইঙ্গিত আছে যে, আপনি এই হঠকারী কাফিরদের

কথার দিকে ভ্রূক্ষেপ করবেন না এবং দুঃখিতও হবেন না বরং আপনার মহান পালনকর্তার পবিত্রতা ও প্রশংসা ঘোষণায় নিজেকে নিয়োজিত করুন। এটাই সব দুঃখ থেকে মুক্তির উপায়। অন্য এক আয়াতে এর অনুরূপ বলা হয়েছে :

وَلَقَدْ نَعْلَمُ أَنَّكَ يَضِيقُ صَدْرُكَ بِمَا يَقُولُونَ فَسَبِّحْ بِحَمْدِ رَبِّكَ وَكُنْ

مِنَ السَّاجِدِينَ—অর্থাৎ আমি জানি আপনি কাফিরদের অর্থহীন কথাবার্তায়

মনঃক্ষুব্ধ হন। এর প্রতিকার এই যে, আপনি আপনার পালনকর্তার প্রশংসায় মশগুল হয়ে যান এবং সিজদাকারীদের দলভুক্ত হয়ে যান। কাফিরদের কথার দিকে ভ্রূক্ষেপ করবেন না।

فَسَبِّحْ بِاسْمِ رَبِّكَ الْعَظِيمِ—আবু দাউদে হযরত ওকবা ইবনে আমের জুহানী বর্ণনা করেন, যখন

আয়াতখানি নাযিল হয়, তখন রসূলুল্লাহ (সা) বললেন : একে তোমাদের

রুকুতে রাখ। অতঃপর যখন سَبِّحْ اسْمَ رَبِّكَ الْأَعْلَى আয়াতখানি নাযিল হয়,

তখন তিনি বললেন : একে তোমাদের সিজদায় রাখ। এ কারণেই সর্বসম্মতভাবে রুকু ও সিজদায় এই দু'টি তসবীহ পাঠ করা হয়। অধিকাংশ ইমামের মতে এগুলো তিনবার পাঠ করা সুন্নত। কেউ কেউ ওয়াজিবও বলেছেন।